



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CLXVII. Die Markgrafen Ludwig der Römer und Otto verpflichten sich gegen die Stadt Salzwedel, einer des andern Handlungen anzuerkennen, am 23. März 1360.

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

Vnde wanner die Lüde, die dattu gefant waren, wedder komen tu Hus in die olde stat tu Soltwedel vnde die Briue den Ratmannen antworten, sie oder ander Lüde, darinne hie sie von der ghenanten stat weggen verlaten het der erfholdinghe, die sie en ghedan hadden, so schal disse Brif dot vnd af sin, vnde sie schullen vs ok disen Brief wedder gheuen, ane wedderrede. Wi willen vnde schullen ock schaffen, dat vses lieuen Bruders Briue, des Hochgeborn Fürsten Hertoghen Stephans, darmit hie verlaten vnd verteghen heft sick der Marke tu Brandenborch, vnde gemeynlicken aller der, die darinne sitten, Hern, Ridder, Knechte, Borgher vnd stede, ghelesen scholen werden vpper Löuene tu Soltwedel, vor die Ratmanne der Stat, vnd wanne dat geschehyn is, so schulle wie, vnser vorgenanter Bruder, Her Ludowich die Römer, vnde vser beider Eruen, ledich sin gar vnde genzliche vnde vuerplichtet bliuen ewichlick van der Huldighe weggen, die die Ratmanne, Ghildemeistere vnd ghemeynen Borghere der olden stat tu Soltwedel, vnser vorgenanter Bruder Herthogen Stephane ghedan hebben, vri vnd lofz darvon sin in allerwise, ofte si ny gheschin war, vnde disse jeghenwardighe Brif schal dot sin vnde machtlos bliuen, ane allein, dar got vor sie, ofte wi vnde vnse lieue Bruder, Her Ludowich die Römer, beyde afghinghen ane Eruen, so schal die Erfholdinghe hie vnsem lieuen Bruder Hern Ludowich dem eltern vnd sinen Eruen bliuen. Mit Orkunde disses Briues, die versighelt is mit vnserm groten Ingeheghele. Gegheuen tu Soltwedel, nach godes gebort drütteynhundert Jar, darna in dem Sestighesten Jare, des neghesten Mandaghes vor Palmen.

Nach dem Original des Salzwe. Archives III, 5.

CLXVII. Die Markgrafen Ludwig der Römer und Otto verpflichten sich gegen die Stadt Salzwehel, einer des andern Handlungen anzuerkennen, am 23. März 1360.

Wi Ludowich der Römer vnd Otto, Brudere, van gots gnaden Marggreuen tu Brandenborch vnd tu Lufitz, des hiligen Romischen Ricks ouerste Kemerer, Palanczgreuen bi Rin vnd Hertogen tu Beyern, Bekennen vor vns vnd vnser Eruen, dat wi des ouer eyen sin gedragen, mit vnser Mannen in der Olden Marcke vnd mit vnser Ratmannen vnd Borgern vnser Olden Stadt tu Soltwedel, vnd andern Ratmannen vnd Borgern vnser Stede, der der Nyen Stadt tu Soltwedel, Stendal, Tangermünde, Osterburch, Sehufen, Gardelege vnd Werben, wat vnser eyen liet oder duet an lene, oder an andern gude, dat scol die ander stede vnd gantz holden. Were ock, dat vnser eyen vt dem lande toghe, was die ander liet oder duet, die in dem lande bliuet, dat scol die andre, die vt dem lande is, stede vnd gantz holden. Mit vestunge des briues, die gegeuen is in der vorgenanten Olden Stadt tu Soltwedel, vnd besegelt mit vnser beider Ingehegele, Na Gots Bort drütteinhundert Jar in dem Sestighesten Jare, des Mondaghs na den Sontaghe in der Vasten, als man singet Judica me Deus. Darby gewest sin die Erwidige Vader in gode, her Henrick, Bisscop tu Lubuz, vnd die veste Lüde, Hans der Hufener, Ridder, Wedege von Wedel, vnse Marschalck, Henric von der Schulenborch, Clawes Bismarck, Diderik morner, probst tu Bernowe, vnse ouerste scriuer vnde ander vele guder Lude.

Nach doppelter Original-Ausfertigung im Salzweheler Archive XXIV, 15. 16.